



MANDATUM RECTORIS.



OS FRANCISCUS-NICOLAUS
GUERIN, Universi Studii Parisiensis
RECTOR, Omnibus Magistris & Scholari-
bus Academicis, SALUTEM.

ETSI rectè facientibus satis amplum præmium sit ipsa rectè factorum conscientia, certum est tamen, ipsi Vir-
tuti stimulum accedere non levem ex hominum famâ
laudisque publicæ fructu; in Literis præsertim ac præcla-
ris Artibus, quas honore potissimum ali & excitari nemo
est, qui ignoret.

POSTULAT igitur & Officii nostri ratio, & Studio-
rum nostrorum, atque adeò totius Rei Literariæ, utili-
tas, ut quantum alumnos nostros in Certaminibus Aca-

demiciis egregiè hoc anno obeundis impigros & alacres experti sumus, tantùm illi Nos in ipsis remunerandis diligentes experiantur.

ITAQUE mandamus, ut qui ad illa Certamina admissi fuère, ii præsertim, qui in iis operam haud pœnitendam edidisse sibi conscii sunt, adsint die Jovis duodecimo mensis Augusti, horâ post meridiem quartâ, in MAJORIBUS SORBONÆ SCHOLIS; ubi Nos quoque cum Universâ Academiâ nostrâ aderimus. Et postquàm V. C. M. CHRISTIANUM LE ROI, Eloquentiæ Professore in Collegio Cardinalitio, perorantem audierimus, Præmia Literaria ex liberalitate tum D. LUDOVICI LE GENDRE, Ecclesiæ Parisiensis Canonici, tum M. CAROLI COFFIN, antiqui Academiæ nostræ Rectoris, & Collegii Dormano-Bellovacii, dum viveret, Moderatoris; tum etiam D. JOANNIS-BAPTISTÆ COIGNARD, Regis Typographi, annuente, &, quod speramus, præsentè Supremo Senatu, pro cuiusque meritis distribuemus. Toto autem illo die & proximè sequenti Scholæ nostræ feriantur.

ITA de Consilii nostri sententiâ ediximus in Ædibus nostris SORBONÆ PLESSÆIS, die Lunæ secundo mensis Augusti, anno Domini millesimo septingentesimo quinquagesimo-primo.